

**Kalaallit Nunaanni sulisilluni ajoqusersinnaanermut isumannaarinermik inatsisip atortuulersinneqarneranik peqqussut naapertorlugu ulloq 1. januar 2009 aallarnerfigalugu akigititat pillugit nalunaarut**

Kalaallit Nunaanni sulisilluni ajoqusersinnaanermut isumannaarineq pillugu inatsisip atortuulersinneqarneranik peqqussummi nr. 991-imi 3. oktober 2008-meersumi § 29, imm. 2 aamma § 30, imm. 4, Kalaallit Nunaanni sulisilluni ajoqusernerit kingunerisassaannut isumannaarineq pillugu inatsisip atortuulersinneqarneranik peqqussummi nr. 273-imi 24. april 2001-imeersumi § 46, imm. 2, § 47, imm. 4, aamma § 82 kiisalu Kalaallit Nunaanni sulisilluni ajoqusersinnaanermut sillimmaserneq pillugu peqqussummi nr. 145-mi 16. marts 1988-imeersumi § 44, imm. 4 naapertorlugit makku aalajangersarneqarput:

*Sulisilluni ajoqusernerit 1. januar 2009-mi kingusinnerusukkulluunniit pisut*

**§ 1.** Sulisilluni ajoqusernertut 1. januar 2009-mi kingusinnerusukkulluunniit pisunut atuutilersumik makku aalajangersarneqarput:

- 1) Ukiumut akissarsiat qaffasinnerpaaffissaat peqqussutip § 29, imm. 3-ani taaneqartut 434.000 koruuninut qaffanneqarput, tak. § 30, imm.1.
- 2) Ukiumut akissarsiat ikinnerpaaffissaat peqqussutip § 29, imm. 4-ni aamma imm. 5-iani taaneqartut 54.600 koruuninut qaffanneqarput, tak. § 30, imm. 2.
- 3) Ajutoornerup kinguneranik ajoquteqalernermut taartisiat peqqussutip § 23, imm. 3-ani aamma 4-ni taaneqartut 723.000 koruuninut qaffanneqarput, tak. § 30, imm. 1.
- 4) Toqusoqartillugu ikaarsaariarnermi aningaasat peqqussutip § 24, imm. 1-ani taaneqartut 136.400 koruuninut qaffanneqarput, tak. § 30, imm. 2.

**§ 2.** Sulisilluni ajoqusernertut ulloq 1. januar 2009-mi kingusinnerusukkulluunniit pisunut tunngatillugu ullormusianik aningaasanillu ingerlaavartumik pisartakkanik naatsorsuinermt naleqqussaaneermullu tunngaviusumik akissarsiat peqqussummi § 29, imm. 1-7 malillugit ukiumut akissarsiat aalajangersarneqartut 51.100/54.600-mik ganngerneqarput.

*Imm. 2.* Ullormusiat sap. akunneranut 3. 625 koruuninut qaffasinnerusinnaanngillat, tak. peqqussummi § 19, imm. 2.

**§ 3.** Ullormusiat imaluunniit aningaasat ingerlaavartumik pisartakkat ulloq 1. januar 2009-mi kingusinnerusukkulluunniit aalajangersarneqarpata, ullormusiat aningaasalluunniit pisartakkat piffissaq tunniussivik aallarnerfigalugu tunniunneqassapput aningaasat ingerlaavartumik tunniuttakkat, tunngaviusumik akissarsiat amerlaqataat, 6,9 pct.-inik taperlugit, tak. peqqussummi § 30, imm. 3.

*Sulisilluni ajoqusernerit piffissami 1. oktober 1996-imiit 31. december 2008-mut pisut*

**§ 4.** Peqqussut nr. 818, 11. september 1996-imeersoq aamma peqqussut nr. 273, 24. april 2001-imeersoq naapertorlugit ullormusiat aningaasallu ingerlaavartumik ukiumut pisartakkat 1. januar 2009-miit atuutilersumik tunniunneqassapput aningaasat pisartakkatut aalajangersakkat 6,9 pct.-inik taperlugit, tak. peqqussut nr. 991, 3. oktober 2008-meersoq § 80, imm. 5 aamma 6.

*Imm. 2.* Ullormusiat imaluunniit aningaasat ingerlaavartumik pisartakkat ulloq 1. januar 2009-mi kingusinnerusukkulluunniit aalajangersarneqarpata, ullormusiat aningaasalluunniit pisartakkat piffissaq tunniussivik aallarnerfigalugu tunniunneqassapput ingerlaavartumik pisartakkat qaavisigut 6,9 pct.-inik taperlugit, tak. peqqussut nr. 991, 3. oktober 2008-meersaq, § 80, imm. 5 aamma 6.

*Imm. 3.* Ullormusiat sap. akunneranut 3.625 koruuninit qaffasinnerusinnaanngillat, tak. peqqussummi § 19, imm. 2.

*Imm. 4.* Ulloq 1. januar 2009-mi kingusinnerusukkulluunniit toqusoqarsimatillugu ikaarsaariarnermi tunniuttakkat peqqussutini § 40, imm. 1-imi taaneqartut 136.400 koruuninut qaffanneqassapput.

*Imm. 5.* Ajutoornerup kinguneranik ajoquteqalernermit taartisiat peqqussutini § 38, imm. 3-mi aamma 4-mi taaneqartut 526.000 koruuninut qaffanneqassapput.

*Sulisilluni ajoqusernerit piffissami 1. april 1984-imiit 30. september 1996-imut pisut*

§ 5. Peqqussut nr. 558, 28. december 1979-imeersaq aamma peqqussut nr. 145, 16. marts 1988-imeersaq naapertorlugit ullormusiat aningaasallu ukiumut ingerlaavartumik pisartakkat 1. januar 2009-miit atuutilersumik tunniunneqassapput aningaasat pisartakkatut aalajangersakkat 6,9 pct.-inik taperlugit, tak. peqqussut nr. 991, 3. oktober 2008-meersaq, § 80, imm. 3 aamma 4.

*Imm. 2.* Peqqussut nr. 558, 28. december 1979-imeersaq imaluunnuut peqqussut nr. 145, 16. marts 1988-imeersaq naapertorlugit ullormusiat aningaasalluunniit ingerlaavartumik pisartakkat ulloq 1. januar 2009-mi kingusinnerusukkulluunniit aalajangersarneqarpata, ullormusiat aningaasalluunniit pisartakkat piffissap tunniussiffiup aallartinneraniit tunniunneqassapput ingerlaavartumik pisartakkat 6,9 pct.-inik taperlugit, tak. peqqussut nr. 991, 3. oktober 2008-meersaq, § 80, imm. 3 aamma 4.

*Imm. 3.* Ullormusiat sap. akunneranut 3.625 koruuninit qaffasinnerusinnaanngillat, tak. peqqussummi nr. 991-imi 3. oktober 2008-meersumi § 19, imm. 2.

*Imm. 4.* Ulloq 1. januar 2009-mi kingusinnerusukkulluunniit toqusoqarsimatillugu ikaarsaariarnermi tunniuttakkat peqqussutini § 36-ani, imm. 1-imi taaneqartut 136.400 koruuninut qaffanneqarput.

*Imm. 5.* Ajutoornerup kinguneranik ajoquteqalernermit taartisiat peqqussutini § 34-ani, imm. 3-mi taaneqartut 52.500 koruuninut qaffanneqarput.

*Sulisilluni ajoqusernerit 1. januar 1980-imiit 31. marts 1984-imut pisut*

§ 6. Aningaasat ataavartumik ukiumut pisartakkat 1. januar 2009-miit atuutilersumik tunniunneqassapput aningaasat pisartakkatut aalajangersakkat 6,9 pct.-inik taperlugit, tak. peqqussut nr. 991, 3. oktober 2008-meersaq, § 80, imm. 2.

*Imm. 2.* Peqqussut nr. 558, 28. december 1979-imeersaq naapertorlugu aningaasat ingerlaavartumik pisartakkat 1. januar 2009-mi kingusinnerusukkulluunniit aalajangersarneqarpata, aningaasat pisartakkat piffissap tunniussiffiup aallartinneraniit tunniunneqassapput ingerlaavartumik pisartakkat 6,9 pct.-inik taperlugit, tak. peqqussut nr. 991, 3. oktober 2008-meersaq § 80, imm. 2.

*Imm. 3.* Ulloq 1. januar 2009 kingusinnerusukkulluunniit toqusoqarsimatillugu ikaarsaariarnermi tunniuttakkat peqqussummi nr. 558-imi, 28. december 1979-imeersumi § 36, imm. 1-imi taaneqartut 136.400 koruuninut qaffanneqarput.

*Imm. 4.* Ajutoornerup kinguneranik ajoquteqalernermit aningaasat tunniuttakkat peqqussummi nr. 558-imi 28. december 1979-imeersumi § 34, imm. 3-mi taaneqartut 52.500 koruuninut qaffanneqarput.

*Ajunaarnerit piffissami 1. juni 1962-imiit 31. december 1979-imut pisut*

§ 7. Ajunaarnermut sillimaserneq pillugu peqqussut naapertorlugu ukiumut ernialiunneqartartoq ingerlaavartog 1. januar 2009-miit atuutilersumik tunniunneqassaaq ernialiunneqartartoq aalajangersagaq 6,9 pct.-inik taperlugu, tak. peqqussut nr. 991, 3. oktober 2008-meersoq, § 80, imm. 1.

*Imm. 2.* Ajunaarnermut 1. januar 1980 sioqqullugu pisunut ernialiunneqartartoq ingerlaavartog 1. januar 2009 kingusinnerusukkulluunniit aalajangersarneqarpat, ernialiunneqartartoq piffissap tunniussiffiup aallartinneraniit tunniunneqassaaq 6,9 pct.-inik taperlugu, tak. peqqussut nr. 991, 3. oktober 2008, § 80, stk. 1.

*Imm. 3.* Ajunaarnermut sillimaserneq pillugu peqqussummi §§ 55 aamma 59, imm. 1 naapertorlugit sillimasernermut aalajangersakkat atuutinnngillat.

*Akunnaalliliineq*

§ 8. Aningaasat ukiumut pisartakkat ingerlaavartut, 12-nik agguarneqarsinnaanngitsut, aningaasanut 12-nik agguarneqarsinnaasunut qaninnerpaanut qaffanneqassapput.

*Nerisaqarneq ineqarnerlu*

§ 9. Inunnut sulisitsisuminni ineqartunut nerisaqarnerup ineqarnerullu nalingat ukiumut 33.300 koruuninut aalajangersarneqarpoq. Nerisaqarnerinnaap nalinga ullormut 74 koruuninut aalajangersarneqarpoq.

*Isarussat sinaakkutaat*

§ 10. Isarussat sinaakkutaannik taarsiissuteqarnermut qaffasinnerpaaffissarititaq 1.025 koruuniuvoq.

*Sulisilluni Ajoqusersinnaanermut Isumannaarineq pillugu Sullissiviup aamma Ankestyrelsip sulianik, peqqussummi pineqartunik, ingerlatsineranut akigititat*

§ 11. Sulisilluni Ajoqusersinnaanermut Isumannaarineq pillugu Sullissiviup pissutsinik, peqqusutini ilanngunneqarsimasunik, sillimmasiisarfinnullu imaluunniit Arbejdsmarkedets Erhvervssygdomssikring-imut tunngasunik, tak. § 67 peqqussummi nr. 991-imi, 3. oktober 2008-meersumi, allaffissornikkut ingerlatsineranut akiliuteqarneq akigititat makku malillugit pisassaaq:

- 1) Suliassat nalunaarutigineqaqqammersut
  - a) atortut ikiuutit, isarussat il.il. ajoqusikkat, 2.151
  - b) ajunaarnerit aamma ajoqusernerit sivikitsumik sunniutillit, 3.990
  - c) kivitsinerliornikkut tassanngaannartumik ajoqusernerit, 3.401
  - d) inuussutissarsiornermi nappaataalersut 4.688
  - e) tapiissutitut akigitititaq, sulianut inuussutissarsiornermi nappaataalersut pillugit ataatsimiititaliamut saqqummiunneqartussanut tunngasoq, aamma 2.458
  - f) suliassat suliarineqartussat, tassa imaappoq suliassat, Arbejdsskade- 91  
styrelsip nalunnaarutaani nr. 275-imi, 24. april 2001-imeersumi § 6  
naapertorlugu sillimmasiisarfinnullu suliarineqarsinnaasut, kisiannili  
Kalaallit Nunaanni Sulisilluni ajoqusersinnaanermut Sillimmasiisarneq

- pillugu Aalajangiisartunut nassiunneqarsimasut.
- 2) Kukkuersiunerit nangititseqqiinerillu
- |  |       |
|--|-------|
| a) atortut ikuiutit, isarussat il. il. ajoqusikkat,              | 1.340 |
| b) ajunaarnerit aamma ajoqusernerit sivikitsumik sunniutillit,   | 2.393 |
| c) kivitsinerliornikkut tassanngaannartumik ajoqusernerit, aamma | 2.506 |
| d) inuussutissarsiornermi nappaataalersut                        | 2.712 |

§ 12. Suliassanik 1. januar 2009-mi kingusinnerusukkulluunniit aallarnerneqartunik Ankestyrelsip suliaqarneranut akigititaq 7.661 koruuniupput, suliassaalersumut ataatsimut.

*Peqqussummi nr. 991-imi 3. oktober 2008-meersumi § 77 aamma peqqussummi nr. 796-imi 1. oktober 1993-imeersumi § 10 naapertorlugit oqaaseqaatinut akigititat*

§ 13. Peqqussutip § 77-ia naapertorlugu oqaaseqaatinut akiliuteqartoqassaaq akigititat uku malillugit:

- |  |       |
|--|-------|
| 1) Oqaaseqaat, imaralugu inuussutissarsiorsinnaanermik annaasaqarneq | 7.100 |
| 2) Oqaaseqaatit allat  | 3.900 |

*Imm. 2.* Suliassat pappiarartaat erseqqinnerusumik taaneqartut tunngavigalugit piffissat erseqqinnerusumik oqaatigineqartut aallaavigalugit ajoquser tup siunissami inuussutissarsiorsinnaaneranik naliliigallartoqarsinnaanersoq imaluunniit naliliivittoqarsinnaanersoq pillugu oqaaseqaatinut akigititaq imm. 1, nr. 1-imi taaneqartoq aamma immikkut ator neqassaaq, tamatumunnga ilutigitillugu allanik oqaaseqaateqaqqusisoqaraluarpalluunniit.

*Imm. 3.* Aningaasat imm. 1-imi aamma 2-mi taaneqartut akilerneqassapput oqaaseqaateqaqqusisoqarneranut peqatigitillugit.

*Atortuulersitsineq*

§ 14. Nalunaarut atortuulerpoq ulloq 1. januar 2009.

*Arbejdsskadestyrelsen, ulloq 23. oktober 2009*

CARL GEORG RÖSER

/Preben K. Hansen